

明

詩

紀

事

明詩紀事卷三

貴陽陳田輯

劉基

四首

基字伯溫青田人元進士吳元年授太史令洪武元年拜御史中丞兼太史令三年授弘文館學士封誠意伯卒正德中追謚文成有覆瓿集三十四卷寫情集四卷犁眉公集五卷

游潛夢蕉詩話青田劉伯溫論者稱其乘時佐命之功炳機克終之道甚與漢子房相似然或謂子房乃爲韓報讐伯溫則嘗委事於元其出處不免有間是蓋未深諭也夫伯溫生元世豈能超出天地外不爲元人也哉憂時痛國每形於辭如憫亂諸作二三末句云惆悵無人奏丹辰側身北望淚滂沱淮瀆何日

寄歌常武腸斷嚴城戍鼓搘天涯地角風塵滿極目雲
弔諸葛武侯祖豫州岳武穆諸賦悲憤愁激讀之使
人躑躅思奮其志可諒也

胡應麟詩藪國初越詩派昉劉伯溫吳詠派昉高季
迪閑詩派昉林子羽嶺南詩派昉於孫贊仲衍江右
詩派昉於劉崧子高五家才力咸足雄據一方先驅
當代

田按文成覆瓿集元時作犁眉公集則入明後詩也
覆瓿遠勝犁眉前人已有定論文成爲開國文臣故
錄其入明應制之作以爲壓卷此集以紀事爲名尋
常共見之集無事可紀概所不錄若人爲詩綜所未
採與採而未備者意在補遺不從此例

平西蜀頌

有序

臣聞天命眞主混一六合必先有以爲之驅除然後
收拾以歸其籠自古及今同一揆矣是故冬寒之極
必有陽春激湍之下必有深潭大亂之後必有大治

然也元德既衰九土糜沸鳴張狼顧之豪彌滿山澤
萬姓嗚咽無所讐告天乃命我皇帝肅將武威伐
不道故一伐而定荆湖再伐而舉全吳三伐而海甸
廓清四伐而東粵南閩悉歸版圖於是肆伐中原拾
采掇秦掣趙拔燕兵鋒未至聲聞先及神讐鬼慄爾
匍匐伏元菟青海崑崙大漠交趾錄耳之國罔不獻
琛奉表稽首闕下無敢後者獨明昇竊據巴蜀雖遣
使奉貢而不去僞號大臣皆請討之皇帝憐其父沒
子幼數遣使招之不至乃命將帥師伐之洪武四年
大軍破瞿唐殺其將某郡邑鎮戍望風送款昇乃率
其官屬奉璽印詣軍門謫降蓋自建國至是凡五年

而天下一統何其易耶固知天命有在而羣雄并起
爲之驅除也臣基受恩深厚無能補報遙聞捷音歎
喜踴躍不能自己謹撰平西蜀頌一首雖不足以贊
揚聖德萬一亦聊以寫葵藿向日之忱云爾其辭曰
惟彼蜀國閑自蠶叢山川隔闊與華不通金牛啟道厥竅斯
鑿岷峨岩堯始連井絡秦以之霸漢以之王諸葛用之震驚
北方劍閣倚天瞿唐折地仰不可攀俯不可視蠢茲羌戎憑
其險阻罔知天命大邦是拒洮洮虎臣受命於征出師桓桓
如雷如霆如雷如霆天子之威廟算先定鬼神莫違靈旗揮
揮指山山摧羌人失魂魄若死灰委將其臣奉其版籍泥首
軍門面紗銜璧六軍奏凱聲動元黃黧童白叟蹈舞康莊四

海會同豐年穰穰慶雲甘露自天降祥臣拜稽首受天之佑
受天之祐天子萬壽

田按洪武三年遣將分道伐蜀征西將軍湯和與副將軍廖永忠率舟師沂江而上征虜前將軍傅友德以步騎出秦隴蜀將戴壽以兵阨險和永忠頓兵不能進而友德已自秦隴深入四年壽撤精銳禦友德留鄒興等守瞿塘永忠乃先驅破瞿塘關入夔州和引兵繼之入重慶蜀主明昇降友德亦敗戴壽於漢州進圍成都壽亦降師還太祖而數和逗留罪和頓首謝乃免友德永忠受上賞太祖製平西蜀文所謂論將之功傳一廖次者也又云有臣在南家居括蒼生而能文舉筆何難此頌當卽應制作也但太祖文則分記傅廖之功基則渾括其詞其立言之體有不同爾

送張孟兼之山西按察司僉事任

平明集冠蓋祖帳清江瀆天懸赫曦日山湧崔嵬雲大舶發
中流碧水龍鱗紋宿雨霽初伏川原無垢氛修揚翁深綠禾

柔氣如饋蘆荻響微風鶴鶴鳴相聞市酒雖云薄情至心自
醺贈詩雖不多芳意同蘭薰丈夫樹遠業兒女徒紛紛牋夫
務去草梯稗職所耘蒼廬司鷲擊梟鸞慎其分利劍斷犀兕
不數雀與鷹籌邊有廟算樽俎茂奇勳巍巍太行山蒼翠浮
綱緼萬古戒華戎峻極通天文老龍當道卧氣鬱狼虎羣引
領望征旆迢迢隔河汾營平曜前烈定遠揚後芬制勝在兩
楹豈必疲三軍功成早歸來華袞昭玄纏

田按青田與孝陵評論當時才人云宋濂居首其次臣不敢多讓其次卽孟兼孟兼之山西按察司僉事任也宋景濂有序贈其行青田此詩蓋同時作也景濂序云孟兼行哉吾見郭車夕至而封章朝上也貪財舞法吏吾見望風畏避解印綬而避去也雖然鷲鳥之揚揚不如威鳳之噭噭狡覘之彊彊不如祥麟此數言足以箴孟兼之失蓋孟兼負氣厥後卒與吳

印相評論死有愧此數言矣

侍宴鍾山應制

清和天氣雨晴時翠麥黃花夾路歧萬里玉關馳露布九霄
金闕綺雲旗龍文驥裏駿鸞輶馬乳蒲萄入羽卮衰老自慚
無補報叨陪儀鳳侍瑤池

田按鍾山應制詩汪朝宗句云松下鷗眠無客到洞中龍出有雲從茶煎紫筍逢支遁藥煉丹砂美葛洪層同文句云瑞花如雨三千界紫氣成龍五百年風送香煙浮袞服池涵樹影拂青天孫西菴句云三山避迹投鯨海五嶽齊肩擁帝宮九成奏樂喧泉洞百職聯班蹕磴苔皆寫山中景物青田此詩詞意迥別蓋以侍宴時蘭州方奏捷也

送黃生蒞祀福建

九重發政懷川嶽使者承宣下紫宸玉瓊黃流敷帝澤碧雞

金馬出神珍風清五嶺煙霞肅春到三山雨露匀歸路武夷

溪九曲棠梨花映綠楊津

矣

注廣洋

四首

廣洋太祖賜名也字朝宗高郵人元進士太祖召爲元帥府令史江南行省提控改照磨擢都諫官遷江南行省都事進郎中改中書省右司郎中尋知驍騎衛事拜江西參政洪武初山東平命往撫納新附召入爲中書省參政尋參政陝西擢右丞以御史劾奏放還鄉再徙海南尋召還封忠勤伯拜右丞相左遷廣東參政召爲御史大夫復拜右丞相坐貶廣南於中途賜死有鳳池吟稿十卷

蘓起榆樹雅汪朝宗詞新調閒不失唐人大檢至如倒藤葛宿鳥絕壁挂晴霓嶺樹垂紅葉汀沙聚白鷗

樹密巢歸鳥溪迴響暗泉並稱幽致
詩較高季迺風華頗邁特過諸人若劉誠意之清新
汪出勤之開爽袁海叟之峭拔皆自成一家足相羽翼

田按青田明初大家安可屈爲羽翼其論忠勤海叟品次殊允忠勤七律風格高騫詩綜不錄茲體特登之以補其缺

廣陵懷舊

宮柳陰陰鎖汴橋煖催晴綠上蘭橈花迎后土依然在人去
東風不可招紫陌漸稀春試馬青樓殊絕夜吹簫同看烽火
連雲起應使江淹笑寂寥

過胥江寄鄭參政

浦口潮來穩放船汀花如雪草如煙幾家茅屋緣江水一路
松風響杜鵑簾捲輕寒中酒日香焚新霽熟梅天少陵心事

誰能識白首相知有鄭虔

別劉希敬

與君同理揚州棹
卧看長天入翠微
何事杜陵傷遠別
不如范蠡賦東歸
春風小店梨花發
宿雨疎林燕子飛
惆悵臨溪一杯酒
鑾江江上日暉暉

夜泊昌邑逢程照磨

兩年不見程廣陵
一見照人眉宇青
念亂每嗟魚雁隔
談詩還許蛟龍聽
白門酒好不易得
昌邑山多曾屢經
夜分舟子忽長往
令我相憶愁難醒

陶安十首

安字主敬當塗人元舉人爲明道安節書院山長太

祖渡江率眾奉迎拜左司員外郎出爲黃州知府坐事謫桐城知縣遷饒州知府吳元年入爲翰林學士洪武元年命知制誥兼修國史尋遷江西參政卒贈姑孰郡公追謚文憲有辭達知新江行黃岡鶴渚諸豪合爲文集二十卷

田按主敬初謁太祖首陳王畧不殺人不虜掠首取金陵以圖王業有諸葛君王景畧一輩氣象詩亦清勁不愧雅音

次韻劉彥炳典籤

英雄逐秦庭諸兵日相侵義師獨竊素感動天下心三傑功名顯亞父終陸沈時方求善策不計陳平金

孤桐倚絕壁長養材質奇截爲焦尾琴奏成白雪辭儻非爨

下聲知者復誰其物固有佳遇待時何足悲

當門小山

山腳踏墻頭全身盡呈露殆類知己人豁達吐心腑晚來自
霧起對面不得覩獨坐虛檐下惆悵失佳侶

野叟爲樞史李仲仁作

避世潛山野輸君隱市朝行年今欲老大朴未全消竹屋觀
晴嶂茶鎬煮午潮獻芹心正切未得友漁樵

遷客

遷客辭金馬吟情動草堂公餘秋煮鱖夢覺夜聞塵靜挂看
山笏清焚讀易香江湖蹤迹遠何以報君王

三湖

三澤茫茫一碧連白蘋風起棹歌傳樹頭煙浪浮沈日水底
星河上下天葦長新沙留雁夢草鯉斷磧溼蛟涎何當結屋
瓊瑤窟買取臨隄三頃田

江東道院

卽太平府治

福地渾無案牘塵黃堂清靜控江津仙凡只隔門前水僚吏
常如物外人衙鼓晴敲琪樹曉戟香煖透碧桃春政平訟簡
恩波遠勝讀黃庭禮玉晨

泊江州

江雲紺綠夕陽邊江水空明海氣連一點遠帆如白鳥數聲
急鼓隔蒼煙潯陽九派疑無地廬阜千峰直造天清夜開尊
酌司馬琵琶亭下月當船

樅陽官舍

草木重圍路不知故藏餘暑得秋遲風驚野竹起黃雀日下
晚山聞畫眉久客未成歸去計累官更覺老來癡庭松相間
榆槐綠暫展繩床坐片時

李楊河

順風帆過李楊河河北平磯沒淺波快撥輕舟絕江去大龍
山遠小如螺

朱升一首

升字允升休甯人元舉人爲池州學正太祖下徽州
以薦召對稱旨吳元年授侍講學士知制誥同修國
史尋進學士洪武初請老歸有楓林集十二卷

田按太祖下徵州聞允升名訪之允升進三策太祖大悅命預帷幕密議所居梅花初月樓親灑宸翰稱焉允升由金陵還山詣公爲賦梅花初月樓詩餞行允升作長歌答之厥後允升子同以文學世其家張來儀復爲作梅花初月樓歌云吾聞仙人好搜居乃在閩風之圃元洲之城雲窗霧閣千仞表青天十二金芙葉風舟不可以逕度安能跨海騎鯨魚新安先生列仙儒卜居半生茅未誅曉携青鹿向煙霧一徑初入千繁紅桃源忽向眼中見風物但是秦人餘五丁何年斧鑿樞洞戶次立二平舒紛紛過客不敢有山君守謾煩呵噓先生結樓萬木杪迥如麗譙雄且孤連峯忽斷西南隅開樓見月蛾眉初梅花千樹雪不如今飛觴醉月弄花影烟然身墮白玉壺侍郎結髮讀父書十年閉樓山不看一朝徵起青雲衢珮玉日向君門邇樓前梅花自開落樓頭明月還盈虛南窗孤獨照歸夢覺來枕席非吾廬且當致身佐唐虞夔晚唐分三十八體門目瑣碎頗爲識者所譏楓林集錄詩不多頗襲擊壤餘派摘其佳聯如酒盡一尊山晚唐人花月何處無允升嘗編類選小詩始淡雅終意晚唐行六月水風涼松葉亂雲孤嶂暝杏花疎雨

晚窗寒未嘗不清脆可誦也

行樞密院判官鄧公勳德頌

歲辛卯淮西兵起明年自蘄渡江者蹂饒陷徽江東大擾至于丁酉六月之間勝負相尋徽民受兵者凡十有二次而猶不知所終也于是泗水鄧公奉江南省平章朱公命由宣取徽先聲所至不戮一人郡邑以定公淑德夙成威信昭著始至郡立城堡作廬舍旬日竣事而民不知有役納降附下條教村疃帖服而民不知有軍分兵戍諸縣掄才以官治之軍民有職上下相維遺黎乃知免矣將官張思總成休甯縣能宣布公之德美以福其民庶又請邑士朱升作頌

以傳之頌曰

徽之爲郡介乎萬山昔有革代招附以安曩歲淮兵渡江窺
浙直搗于徽肆其燔劫突來薦至奔北相仍六勝六負哀哉
民生猗與辨章秣陵開省勳業崇崇紀綱井井旣克宛陵南
復楚疆有獻于公請事徽方公曰噫嘻無窮于遠蕞爾山城
其邊三而策者曰否彼鄰杭封全有三關浙右蘿中公曰噫
嘻茲爲重役總率招徠必資淑德曰鄧友德蘭苗其芽汝父
汝兄致命邦家宣眾未降長鎗餘黨旣屯于徽懼殘彼壤事
有機速爲我南行汝親吾養汝家吾承鄧公曰唯惟辨章令
辨章之心徽人之命爰敕渠帥卽日啟行衛兵之胡新附之
湯江淮之雄苗猶之銳列騎聯旗兩州相綴惟徽厭亂城郭

久空諸軍畢入誅其萊蓬旣撫旣城以營以室將士分功成之旬日乃納降附漿酒溫存受其雞豚爲之饔飧使觀其軍使行其壘意氣包涵家人笑語民曰此軍與吾爲儕曩者轍我今吾服懷士曰此軍非曩之匹閭幕衣冠中原典則曩之來者驅民爲兵何爲強弱徒殲厥生曩之來者每事報復指摘吹求熾然荼毒今茲下令軍民判然不教之眾奔北之先今茲下令新自今日無長驍風酷爲指揮流離還定漸復其初里有耕桑家有詩書凡此之功在於鎮靜萬喙同聲歸功于鄧鎮靜之道制勝之規謝公指顧秦敗淮淝鎮靜之道致治之式曹師蓋公民以甯一繫公懿質辨章登之進之于學玉而成之雲臺元功少年杖策人謂我公今之高密以究勞

績以開隆平秉心勿替引我民生徽民願公祝我眉壽仰彼

昊蒼夕

听稽首成將承德請作詩章刻之縣齋以傳無疆

田按友德卽衛國公鄧愈也初名友德太祖賜名愈年十六領軍事史稱兵興諸將早貴未有如愈與李文忠者愈善撫降附所至得人心此頌蓋其移鎮宣州以兵取休寧績溪徽州時作也節制之師撫綏之策將率得人心如此有明造邦之烈於是覩之矣

孫炎

一首

炎字伯融句容人太祖下集慶辟行省掾擢池州同知尋進知府以行省都事總制處州苗將叛被擒罵賊死追贈丹陽縣男謚忠愍有左司集四卷

錢謙益列朝詩集伯融長六尺餘面黑如鐵一足偏跛長于歌詩至正中天台丁復同郡夏煜皆以詩名自夜相切劘下筆快埽百紙可立盡常與煜對飲賦詩務出奇相勝每得一雋語捷案大呼譁聲撼四鄰

田按汪忠勤過叢山關觀孫炎題壁詩云空翠深深
唳竹籜叢山塞口日沈西數行大字光如漆知是孫
炎醉後題可以想其豪宕之氣

寶劍歌

寶劍光耿耿佩之可以當一龍直是陰山太古雪爲誰結此
青芙蓉明珠爲寶錦爲帶三尺枯蛟出冰海自從虎革裏干
戈飛入芒碭育光彩青田劉郎漢諸孫傳家惟有此物存匣
中千年睡不醒白帝血染桃花痕山童神全眼如日時見蜿
蜒走虛室我逢龍精不敢彈正氣直貫青天寒還君持之獻
明主若歲大旱爲霖雨

列朝詩集伯融在處時以上命招致劉誠意劉堅不
肯出以寶劍遺伯融伯融作詩以寶劍當獻天子人
臣不敢私封還之劉無以答乃遠巡就見
田按此集凡詩綜所採者皆不錄若有事可紀不嫌

複出

鮑恂五首

恂字中孚崇德人元季進士授平江教授薦入翰林不就洪武四年會試充考試官十五年詔徵耆儒入見命爲文華殿大學士固辭放歸有西溪漫藁

朱彝尊至正庚辛倡和集補傳中孚元統間三領浙
元至正甲申至元癸巳皆入閣校士卜居郡之西溪
耕桑自樂自號環中老人明洪武中賜敕放還與貝
清江程柳莊結社講道學者稱西溪先生

沈季友檇李詩繫楊鐵崖至嘉禾貞廷臣以書幣乞
吳越兩山亭志并選諸詞人題詠楊卽爲命筆稿將
就夜已過半俄門外有剝啄聲敲龍則皆嘉禾能詩
者也率人人持金縉乞留選其詩楊笑曰生平三尺
法亦有時以情少惜若詩文則心欲借眼不從心
未嘗敢欺當世遂運筆批進止取鮑恂張翼顧文季
金綱四首謂諸人曰四詩猶爲彼善於此諸什尙須
晚胎耳然被選者無一人在諸人相目驚駭固乞覽

假得與姓名至有涕泣長跪者俱揮出門外閉關藏
燭曰風雅埽地矣

亂後南湖詩會得南字

舊業帶郊牧受時勤耕蠶傾筐董機女負耒賣諸男得酒共
慰勞中堂相與酬醉從草窗裏遠看函山嵐交遊恨闊絕引
領望東南醫兒穿雲燧惶駭憂何堪孤帆川上來問之且再
三爲言脫巾呼大亂由凶貪燒城但餘堞流血淥爲潭懷我
同心彥驚淚口不含何圖共明魄相對重高談

景德寺詩會得過字

凌晨訪古刹幽氣集林阿雕甍旭日眩紺宇晴雲摩疎松奏
竽笙修竹鳴珮珂禪友素所識名流喜來過俯澗漱寒溜陟
磴捫翠蘿淪茗佐芳醑玄談間商歌遂令塵土懷如濯清冷

波斯景豈常遇追遊亦無多流光逐奔瀾飛翼援高柯賦詩
留苔壁子載期不廢

田接至正庚辛詩會再與者二人徐大章與仲孚也

次韻贈李煥章

輶棹鷺湖曲題詩竹寺幽濟時心事在爲客歲時流逸氣橫
空阜閒情汎渚鷗聊歌白石爛或可慰淹留

題趙彥徵畫

昔在苕花溪上往遙溪山色滿高樓別來十載看圖畫山自
青青我白頭

吳興孫子多才俊曾把文章動九關歸到江南塵滿眼忍將
情事寫青山

宋訥十一首

訥字仲敏滑縣人元進士官鹽山知縣洪武六年應聘爲北平考官十三年徵爲國子助教遷翰林學士文淵閣大學士改國子祭酒卒正德中追謚文恪有西隱集十卷

四庫總目訥領成均胄子之任師道嚴正爲一時典型
文章亦淳厚醕雅其奉敕製太學碑極爲太祖所賞
今具在集中又有壬子嵒考試秋聞次北平詩及秋
聞卽事諸詩壬子乃洪武六年蓋訥未仕之前已應
聘爲北平考官而本傳墓誌均未之載其過元故宮
詩十九首尤纏綿悱惻有風人忠厚之遺

田按劉三吾撰訥墓誌稱所著西隱集十七卷明史藝文志黃虞稷千頃堂書目俱作十卷今所傳本及

四庫著錄本均十卷其非足本抑或爲後人改并未可知矣

題滑州吏目張文質所藏鮑節判見贈吳興唐子華畫

雲山小景圖

君不見夏圭昔寫漁村春霧時江山半入無聲詩又不見馬
麟昔作關山秋色圖千里風煙來座隅夏圭馬麟去已遠一
入九原呼不返只今畫者亂如麻吳興近數唐子華子華非
夏亦非馬得意雲山自揮洒一幅生綃不滿尺平遠高深生
筆下恍如坐我武夷山主人見客開柴關幽蹊曲徑歸路迷
白雲引出青松間又如坐我瀟湘側漁子艤舟來迓客水邊
籬落自成村舍望九疑江樹隔隔岸人家茅蓋亭過橋二老
指山青飛泉絡層石古木挂寒藤晴窗忽看不似畫霏丹凝
翠疑天生相對融心神頓覺塵夢醒疏懶曾中有邱壑得此
珍藏作清樂平生寓賞不留意一朝笑贈芙蓉幙芙蓉幙底

風流賓高堂挂壁無紅塵公餘把酒自怡悅便是雪山圖上人

王子秋過故宮

離宮別館樹森森秋色荒寒上苑深北塞君臣方駐足中原將帥已離心興隆有館笙歌歇勞正無官玉斧沈落日凭高望燕薊黃金台上棘如林

陶宗儀南村輟耕錄興隆笙在大明殿下其制植眾

管于柔韋以象大匏土鼓二韋蕤按其管則簧鳴簧

首爲三孔雀笙鳴機動則應而舞凡燕會之日此笙

一鳴眾樂皆作笙止樂亦止勞正斧以蒼水玉碾造

高二尺有奇廣半之徧地文藻粲然或曰自殷時流傳至今者如天子登極元旦天壽節御大明殿會朝

時則一人執之立於陛下降海之前蓋所以正人不正之意

禁路隨人不忍行臨風立馬倍傷情千年王室山河壯萬里

宮車社稷輕金鼎
夔龍興聖殿
紫駕部落受降城
憑誰爲問天
魔女唱得陳宮玉樹聲

萬國朝宗拜紫宸
于今誰望屬車塵
名聞少室徵奇士
驛斷高麗進美人
朝會寶燈沈
轉漏授時玉歷
罷頒春街頭野服
儒冠老曾是花萼
視草臣

六宮春色一宵殘
夷難何人策治安
去國登瀛唐學士
降城執戟漢材官
瑤宮有扇捐金雀
紫塞無旗捲角端
花柳亦知宮女散
帷幕翠簇金鑾

黃葉西風海子橋
橋頭行客弔前朝
鳳凰城改佳遊
歇龍虎臺荒王氣消
十六天魔金屋貯
八千霜塞玉鞭搖
不知亡國爐溝水
依舊東風接海潮

萬年海岳作金湯一望淒然感恨長禾黍秋風周洛邑山河
殘照漢咸陽上林春去宮花落金水霜來御柳黃虎衛龍墀
人不見戍兵騎馬出蕭牆

清宮殿閉殘花塵世回頭換物華寶鼎百年歸漢室錦帆
千古似隋家後宮鸞鏡投江渚北狩龍旗沒塞沙想見扶蘇
城上月照人清淚落胡笳

瑤臺瓊室倚清虛佳氣潛消諫疏疎帥闖有兵空虎衛經筵
無講逐鑾輿侯封一代皇孫爵帝紀千年太史書斜日五雲
坊下路老儒騎馬重躊躇

順帝是年獲其孫買的里八刺封爲崇禮侯宋文恪
過故宮詩侯封一代皇孫爵帝紀千年太史書指其
事也

黼座簪裳列俊髦禁闈環珮立仙曹兩京臺閣工輸巧四海
塗泥赤子勞端本有書遺鶴禁宣文無客進龍韜拂郎天馬
空踰海不駕朝元玉輅高

雲霄宮闕錦山川不在穹廬靄幙前螢燭夜遊陪苑圃羊車
春醉晉嬪娟翠華去國三千里玉璽傳家四十年今日消沈
何處問居庸關外草連天

張以甯

十首

以甯字志道古田人元進士官翰林學士入明復授
侍講學士出使安南還道卒有翠屏橐淮南橐南歸
紀行安南紀行集

何喬遠閩書學士奉使安南御製詩送之北還道卒
學士亮直通敏廉謹自將臨終口占曰覆身惟有黔

婁被垂橐都無陸賈金

徐渤筆精淮西閻帥夏貴以至元丙子附元授中書

左丞至己卯薨有弔以詩曰自古誰不死惜君遲四

年間君今日死何似四年前元學士古田張以甯以

洪武二年徵爲原官四年卒與夏貴略相似

列朝詩集國初詩派西江則劉泰和崧閩中則張古

田志道泰和以雅正標宗古田以雄麗樹帆江西之

派中降而歸東里步趨臺閣其流也卑冗而不振閩

之派旁出而宗膳部規模唐音其流也庸弱而無

理王士禛古詩選有明一代作者衆多七言長句在明

初則高季述張志道劉子高爲最後則李賓之至何

李學杜厭諸家之坦迤獨于沈鬱頓挫處用意雖一

變前人號稱復古而同源異派實皆以杜氏爲崑崙

墟汪端明三十家詩選志道七古骨力道健才氣排宕

發源杜陵出入遺山道閭之間可以獨張一軍

田按志道八歲賦琴堂詩釋伯父于獄史稱其與朱

升秦裕伯等扈從擁翠亭給筆札賦詩可謂榮幸翠

屏一集明含英華當爲閩詩一代開先二藍十子皆

下風

峨眉亭

白酒雙銀瓶獨酌峨眉亭不見謫仙人但見三山青秋色淮上來蒼然滿雲汀欲持五十絃彈與蛟龍聽

送重峯阮子敬南還

君家重峯下我家大溪頭君家門前水我家門前流我行久別家思憶故鄉水況乃一作何況故鄉人相見六千里十年在揚州五年在京城不見故鄉人見君難爲情見君情尙爾別君奈何許送君遠不堪憶君良獨苦君歸過江上爲問水中魚別時魚尾赤別後今何如

靜志居詩話承旨重峰送別一篇仿太白可稱合作李方伯橫題雙燕圖寄人詩云君家吟翁北我家郡北西君家梁間燕我家梁間栖周尚書忱送人詩云我家白沙渚君家桐江頭我家門前水亦向桐江流

當皆從此出可知是作贍吳當時

題米元暉山水

高堂曉起山水入古色慘淡神靈集望中冥冥雲氣深祇恐
春衣坐來溼江風吹雨百花飛早晚持竿吾得歸身在江南
圖畫裏令人卻憶米元暉

登大佛嶺雨中雲在其下

大佛嶺盡小石來黑崖削鐵懸崔嵬泉翻松根六月雪雨老
石路千年苔我行忽落青天外白雲四望茫如海黛痕三點
見蓬萊明星玉女遙相待九華天姥當見之人間有山無此
奇平生酷恨李太白不到閩山獨欠詩

湛淵王提點招飲出示座主馬中丞詩歸賦此謝之

石田仙人玉爲節繡衣秋映琪花雪袖揮驪珠五十六飛到淮南是明月淮南高士王方平雙騎蒼鹿吹瑤笙卧看明月在窗戶桂樹雲影秋冥冥昔我乘槎斗邊去親飲仙人玉杯露丹成一別三十秋東望元洲隔煙霧手攀桂樹白髮新方平觴我脯麒麟飲酣語舊逸興發笑傲滄海生微塵金雞呼日扶桑曉三山如黛潮聲小明當握手共掀髯日觀層巔一長嘯

閩關水吟

閩關之水來隨頭排山下與閩溪流閩溪送客東南走直到嵩溪始分手客居溪上裏幾重烏鵲月出門前松天風吹雲數千里飄颻直渡長江水滿淮浩蕩連黃河碧樹滿地黃雲

多夢中長記關山路隴水潺湲似人語覺來有嘗不得將海
潮不上嵩溪陽平原春晚生芳草杜鵑聲裏令人老行人歸
來動十年潺湲隴水聲依然安得湘絃寫嗚咽彈作相思寄
明月

長江萬里圖爲同年汪華玉賦

潯州太守吾同年香凝畫戟春風前談詩虛幌坐白晝忽見
浩蕩萬里之江天天開地闢鴻濛外風迴日動神靈會蓉旗
翠節下歲蕤陰火明珠出光怪西山雪水青霄來豁然峽斷
長川開洞庭浪濶秋蕩漾漢陽樹遠雲徘徊廬阜迢遙到牛
渚複治重州散平楚布帆漠漠瓜步煙紅葉翩翩石城雨山
菴似聽疏鐘鳴野橋疑有行人行村墟微茫灌木暗絕境毫

未俱分明旅榜前頭更漁艇萬鷺千鴉動寒影水窮霞盡已
欲無猶是海門秋萬頃野人興發滄洲間欲呼艇子吾東還
熟看乃是雲巢畫巧奪神力迴天慳太守邀我題小草上有
仙人虞閣老開圖歡喜悲忽來令我有句不能到仙人昔欲
三神遊我居三神海上頭成連携我鼓琴處白浪如山龍出
遊夜夢從之看浴日十洲青山洪波赤仙人教讀新宮銘酒
醒扶桑露華白小小桂樹淮之洲雁影幾度空江秋鳴呼仙
人不可見太守與我心悠悠

題劉君濟青山白雲圖

野性夙所忻青山無垢氛落花一夜雨幽樹滿川雲鹿迹閒
行見松香獨坐聞殷勤招白鶴子亦離人羣

國雅張志道境入清頓未脫夙武如野煙
雨落花深鹿迹閒行見松香獨坐聞鳥影似猶見猿
聲疑或問此例思深且幽非元調也

嚴子陵釣臺

故人已乘赤龍去君獨蓑釣月明魯國高名懸宇宙漢家
小吏待公卿天迴御樹星辰動人去空臺山水清我欲長竿
數千尺坐來東海看潮生

沈德潛明詩別裁明人咏嚴陵者以此章爲最

焦磯廟題壁

碧殿紅櫺翠浪間江風縹渺動煙鬟神雞不逐雲中去嘵殺

清秋月滿山

謝肇淛小草齋詩話張以甯以元學士入明嘗過焦
磯廟題詩壁上云云後再過之有人改其末句云神
上云云

雞
忍
逐
他
人
去
羞
殺
清
秋
月
漏
山
以
甯
大
慚
刮
去
其
詩

明詩紀事卷四

貴陽陳田輯



宋濂

三首

濂字景濂浦江人元末以翰林院編修徵不就太祖取婺州召見濂還金陵徵爲江南儒學提舉授太子經改起居注洪武初充元史總裁官除翰林學士降編修遷國子司業謫安遠知縣召爲禮部主事遷贊善大夫擢侍講學士進學士承旨致仕歸以孫慎得罪安置茂州道卒正德中追謚文憲有潛溪鑾坡芝園蘿山朝天諸集七十五卷

王世貞藝苑卮言高帝嘗謂宋濂浙東人才惟卿與
王禕耳才思之雄卿不如禕學問之博禕不如卿又
嘗與劉誠意論文誠意謂宋濂第一其次臣不敢多
讓

徐泰詩談宋景濂王子充詩亦純雅以文名
沈士謙明良錄略濂嘗奉制咏鷹令七舉足卽成有

詩數宋承旨不喜作六朝語而思春曲十韻如南浦
露輕籠靄翠城因彌別鶴心如翦爲郊文鶯鵝湖成
陽臺樹密朝霞迴巫峡湖迴暮渚平等句特精工流

麗按景濂自幼嗜學家貧無書每假藏書家手自筆
錄天大寒砚冰堅手指不能屈伸弗之怠錄畢走送
不敢逾期約又常入青蘿山不下書屋者屢年得鄭
氏所寄書數萬卷無不盡閱閱無不盡記師事吳淵
賴黃文獻柳待制皆元代耆宿學既刻苦授受復有
淵源故所著文章雄峙一代遺稿主司制作之柄
爲開國文臣之首鑑夷朝貢數問宋先生安否日本
得潛溪集紙板國中當其恩遇優渥醉學士之詩歌
性餘百歲衣之貧賜論者傳爲盛事暨乎安置茂州
于荒江野寺投繯以歿方希古祭文云公之厥

斯世而不居甘遠迹於峨嵋蓋將重華於九疑嘻
屈子於江濱吁可悲也集中小詩猶是元習長篇大
作往往規撫退之時亦失之冗沓蓋兼才爲難自唐
以來如韓退之蘇長公世不多見正不必美備難具
也

鳳陽府新鑄大鐘頌

并序

皇帝旣正大統建都江表德綏威警萬邦咸臣用羣
臣奏臨濠爲龍飛之地賜名曰鳳陽南北民大和會
百族錯居動十萬數然而物大而盛不假器齊一之
無以嚴昏旦之禁乃詔江陰侯吳良監鑄大鐘以定
眾志以裨治化侯旣受詔遣使者至富春山中徵金
工何成諭以天子明命成卽日帥其屬十六人以從
相地鳳陽城地三里搏泥成範畫其銑角衡之度侈

弇爲良篆帶以方候其燥剛始穿治一十又三鍊青
赤銅六萬五千斤筮以洪武乙卯冬十一月己巳蒞
事厥明侯具法服以牛一羊一豕一祝告先治之神
禮旣成橐籥咸興鼓動風氣炎光赫曦上貫霄漢絳
液旣澄氣憤雲洩循竇而入肅肅有聲陽施陰凝勁
質斯具越二日辛未乃發復取牲血塗其竅隙以厭
除不祥鐘高十六尺有五寸厚六寸徑十尺有五寸
圍三十四尺有奇混融其輪圓輝煌其容輝信拔殫
於人巧妙奪於神功者也於是營構層臺副以篋簾
聚千夫之力鉅炬而登之一杵之撞隱隱聞闢雷旋
電奔震撼太虛遐邇聞者靡不聳愕會濂扈從青宮

幸鳳陽親觀盛美侯遂請濂爲之頌濂聞先王之世
金部有七黃鐘乃樂之所自出而景鐘又爲黃鐘之
本所謂景鐘大鐘也其受至於九斛而止律呂由是
而應陰陽由是而均夫豈細故也哉秦漢以來寢失
古法小鐘或數尺大鐘或容千石皆不本於律度今
我熙朝稽古右文定於中制宣導天地孚洽神人中
和所致嘉瑞必協增拓化原亦於是乎有賴非特發
揚蹈厲以鳴國家之盛侯之有請不敢固辭頌曰
維天穆清鼓以雷霆適昭天聲百物以生羅帝濬哲法天之
烈大鏞斯揭元氣噴洩眷于濠梁真龍飛翔乘陰御陽洗濯
八荒神物攸起是爲帝里從者如雨於焉萃止物大而豐往

來憧憧節之以鏞罔敢弗恭乃飭鳬氏乃具鑪鍤乃烹乃鬻
化金爲水赤氣夜明如日之升流亟而賴入寶有聲彬彬斐
斐功同神鬼不鉏不鋸輪圓順軌旣啟其型敢愛斯牲塗燭
禮成榮光如星千夫齊力臺構懸植交扛孔夷載考載墾宅
夸國國觸兮賚賁摩乾鑪坤以警斯昏發據靈氣昭融品彙
物無疵癥年穀攸遂博碩而麗聲與天通拓美集祥熏于家
邦惟皇建極福之敷錫制器有赫式和民則稽樂之原鐘實
爲先律呂以宣功垂不刊小臣作頌有美無諷爰咨于尼是
傳是誦

送方生還甯海

并序

洪武丙辰余官禁林甯海方生以文爲贊一覽輒奇

之館賓左右與其談經歷三時乃去明年丁巳予蒙恩謝事還浦陽生復執經來侍凡理學淵源之統人文絕續之寄盛衰幾微之載名物度數之變無不肆言之離析於一絲而會歸於大通生精敏絕倫每龐發其端卽能推而底于極本末兼舉細大弗遺其於論著文義森蔚千變萬態不主故常而辭意濯然常新細占其進修之功日有異而月不同僅越四春秋而已英發光著如斯使後四春秋則其所至又不知爲何如以近代言之歐陽少師蘇長公輩姑置未論自餘諸子與之角逐於文藝之場不識孰爲後而孰爲先也予今爲此說人必疑予之過情後二十餘年

當信其爲知言而稱許者非過也庚申之秋生以不見大母久將歸省焉予深惜其去爲賦是詩

昔在詞垣時英材常駿奔水碧與金膏價重駭見聞終然無根蒂歛散空中雲方生海上來玉粟而春溫袖搆絲繡書面帶黼黻紋揖遜入禮域陳義凌秋晏同餐大倉米共勘典與墳濬將索幽邃穹欲攀嶙峋蹈雪忽言別涉險濤江津梅花似相憐沿途慰孤顰湛恩來九天憫我髮如銀特勑還故山許與煙霞親生間抱經來處此寂寥瀆莽蒼叩太始溟涬窮無垠宇宙所管攝載籍所敷陳鉅細鉤鉗之若大樂建均律呂接高下宮商肅君臣鬯和免憇懃疊奏歸繹純桑濮俟揮示淫哇竟何存黃鐘壓瓦缶庭燎滅荒燐似茲稽古力可敵

龕定勳濡毫寫雄顯勢欲移峨岷漏洩混沌發出入造化神
變幻波起伏清溫玉璘珣書抽神奇祕不墮冕腐塵所以日
出之逾見光景新山鬼當灑泣湘靈且遂巡振古著作家後
先胡續紛豈知萬牛毛難媲一角麟古今二千載有如星在
辰豈意荒礲中獲此席上珍予生髮未燥立言鄙河汾結交
一世士暮齒越七旬妍蚩與楷良入目無留痕自非病狂易
顛倒甲與狴甯因一學徒訛辭浪云云大言心不怍祇爲所
見真生今有行期序飲松竹根笑摘黃金花起泛青瑤尊酒
酣雙耳熟劇論如抽緝豈無贈別言有意須當遵真儒在用
世甯能滯彌文文繁必喪質適中乃彬彬有虞號多士九官
展經綸惟時亮天工外夷悉來賓不聞有著書鼓盪摩乾坤

生乃周容刀生乃魯璵璠道貴器乃貴何須事空言孽孽務
踐行勿負七尺身敬義以爲衣忠信以爲冠慈仁以爲佩廉
智以爲鑿特立睨千古萬象昭無昏此意竟誰知爲爾言諳
諳無徒謂强聒一一書諸紳

田按此詩有作贈鄭楷者蓋遵革除之禁也牧齋謂
于內殿見潛溪文粹李孺氏名皆用墨塗乙此可知
矣希古謝太史公書云近有人說教事陽教之言以
歐陽氏蘇氏以下見期爲過某聞之不應而笑笑而
默然竟不問其主名流俗人省事者少蓋謂此詩序
也又云某妄志殆未可遽以辭盡其大者將宏廓敷
揚其所傳於世傳人得樂生達理其次亦將整齊周
公孔子之成法爲來今準下此猶當著一書據所蘊
蓄補藝文之遺缺續斯道於無極希古自負如此不
惟以歐蘇文章自居矣楷亦潛溪弟子潛溪行狀卽
楷筆也

送錢允一還天台詩 幷序

皇帝卽位之二年大將軍帥師取職都西北州郡次第皆平越明年冬上將郊祀天地大告武成念開國諸勞烈錫以鐵券以申帶礪之誓下禮官議其制度近臣奏言唐和陵時嘗賜錢武肅王十五世孫尚德實寶藏之上遣使者卽其家訪焉尚德奉詔橫券及五王遺像上之上御外朝觀之勅省臣宴于儀曹已而尚德思東歸命還其券與像以禮敦遣錢氏寶有此券已五百載宋淳化中杭守臣嘗連玉冊進之元豐五年又進之宋季兵亂券沈官渭水中五十六年元至順二年漁人獲之售於尚德之父世珪迄今而尚德又進之是嘗三登天子之庭其間或顯或晦雖

若類靈物呵護亦其子孫之多賢能保守而弗墜也
尚德字允一天台人

大明天子開鴻基雄兵百萬皆虎貔東征西討十餘載變化
不異雲雷隨功成治定四海一剖効分符恩澤施前王遺制
久已泯錢氏世寶猶無虧天使持書往徵取有翁橐負來丹
墀鞠躬俯伏再拜起旋解韁藉重重披精鍊煅成大逾瓦中
突傍偃形如箕又如元瓶剖其半一片元玉誰瑕疵鑿竅填
金文絢爛筆畫方整蟠蛟螭誓辭三百有餘字河山帶礪無
嫌疑繼陳五王有真像彷彿猶是唐冠衣腰圍白玉金作鎔
吻角左右分之鬚重瞳迴光屢下照笑語逾覺天顏怡使勑
大官給珍饌上尊法酒澆瓊卮憶初唐綱既解紐恣舞鱠

號狐狸斗牛王氣果凌厲豫章占術元非欺入都建卒猛如虎指揮不異驅嬰兒羅平鳥圖騁怪幻內黃外白跳狂癡龍劍一揮赴水死大勛星日同昭垂因茲錫券代牲歟彭城開府如三司衣錦城空嘉樹老共守尙有三樓危滔化元豐兩進入龍光曾受天王知炎精訖錄九鼎沸一旦失去官河糜豈伊神物欲變化相逐雷劍爲龍飛孰知漁者一舉網所得非鼈還非鼈終然鬼物所訶護不使光彩埋荒陂泥塗沙礫幸免累寶玉大弓欣有歸我知天意實有在武肅弘烈何堪微八州生靈數百萬拔出水火行中達子孫食報豈終極政如稼穡隨年肥高牙大纛入黃閣金章懿綏趨彤闕不知堆床定幾笏但見肘印懸累累七世珥貂未足擬一門三載終

前衰况翁文采爛五色嗜古不管頭如絲秦淮呼酒話離別
遠盼官舸如星馳于時同雲舞四野勢欲釀雪增寒威行行
若過表忠觀好剔蒼蘚看殘碑

朱瑛金華詩錄乾隆壬午聖駕南巡台州武肅王
後裔臣錢文銓奉鐵券至省其同族窮興在籍食俸

刑部尚書臣錢陳羣率同族眾恭呈御覽皇上
垂念前勳御製歌詩一章勒諸券檜此所述淳化

元豐洪武三登庭者不足多矣俯閱前詩仰維
藻謹記國典之隆用章舊澤之遠續願武肅子孫

世世勿忘也金華府知府臣黃彬恭記

答祿與權一首

與權字道夫河南永甯人元進士由祕書監管句厯
河南北道廉訪使僉事洪武初用薦授秦府紀善改
御史出爲廣西僉事未之任復留爲御史擢翰林修

撰降典籍進應奉以年老致仕歸有集十卷

田按道夫其先蠻部人有別號答祿者子孫因以爲氏明初流寓河南永甯余觀道夫題咏自署洛上人則著籍永甯矣道夫集十卷著錄於明史藝文志及千頃堂書目今罕傳本史稱道夫博學強記明初祀三皇建帝王廟皆自道夫發之余從宋文憲集附錄得詩一首以補明初詩家缺遺焉

送宋丞旨還金華

金華之山巍乎莫測乃在牛女之墟天池之北自昔初平牧羊處至今靈氣鍾名德聖人立極開太平賢佐乃有宋先生先生讀書逾萬卷雄才獨擅文章名至尊臨軒時顧問皇子傳經當繡楹漢室舊聞疏太傅明庭今見桓五更先生行年幾七十新春詔許還鄉邑誥詞御製煥奎文子孫簪筆當朝立先生種德非常倫聖明天子優老臣從茲一往三千眷高

風長與初平鄰

田按潛溪歸者時中書舍人葉甯未第史靖可有送行詩見於各家紀述余檢孫蕡西菴集有送翰林宋先生致仕歸金華詩多至二十五首其云門生日日侍談經獨向孫蕡眼尚青則西菴嘗及潛溪門也其云高麗日本朝王使長向仙班問姓名則外國貢使數問宋先生起居事也其云東夷買得潛溪集已向扶桑石上銷則日本得潛溪集刻板國中事也其云祕府圖書翻閱盡卻從方士借丹經則潛溪嘗爲道士自號元真子留心道錄也其云歸途跨得銀鞍馬原是天閑小乘黃則洪武九年賜馬事也其云祖考榮封寵數僕君王親爲製詞頭則致政時詔加贈二代誥辭皆太祖所親製也其云海內才名五十年聖恩榮獎許晚歸田金華父老如相問曾是瀛洲第一仙事紅鞋金帶荔枝花三品詞林內相家歸去山中無箇瓦瓶人風賜金帶荔枝水自煎茶蓋世文章未是雄真純卓有古門賜老臣潛溪是沽春酒醉殺鄰家桑邑翁鳳翥龍飛御製文人間未見墨花新恩榮獨爲詞林重視向宮詩附見於此

朱芾 三首

芾字孟辨以字行松江華亭人洪武初徵授翰林編
修改中書舍人

松江府志朱芾自號滄洲生少從楊鐵崖遊才思飄
逸工詞章兼善繪墨真草隸篆清潤道勁風度不凡
繪事亦擅聲於時太祖御製集有和朱孟辨落花詩
朱謀聖盡史會要孟辨善山水白描人物
夢蕉詩話洪武十年宋學士景濂乞骸骨歸華亭朱
孟辨紀其事作詩送之其一曰天語丁寧出禁微特
將文綺賜卿歸愛卿秉志如金石留取裁成百歲衣
蓋瀕行聖祖諭曰卿事朕十九年忠誠可貫金石故
有是賜卿今六十有八可待三十二年後以作百歲衣
應心醉君王德慙愧長安市上眠既受文綺之賜復
出寶鈔數十錠與之曰卿東歸當酒錢也其三曰城
上春雲煖更飛念卿此地迹將稀臣身願作隨陽雁
一度秋來一度歸聖祖一日携景濂步午門西城上
顧謂曰卿來此迹將稀矣可能再見否濂曰老臣身
未就木當一歲一來也

田按此三詩文憲集附錄標目云契生中書舍人葉
寧朱孟辨忝廁侍從躬覩皇上眷顧之隆謹記一時
盛事賦絕句三首夢蘆詩話堯山堂外記僅屬之孟
辨一人疏矣董穀碧里雜存云宋太史乞歸御製詩
餞之云自下閒樽詰別離知君此後迹應稀潦續云
臣身願作衡陽雁一度秋風一度歸據此則第三絕
句又非孟辨詩矣詞亦小有異同余以爲此說蓋出
附會終以潛溪集附錄爲得實也

寄張子政

野政老人隱者流清溪繞屋似愚溝自編蒲葉作素簡時瀉
松花洗玉舟仲連未遽踏東海孺子還復棲南州別來清事
想不廢詩成應畫李營邱

爲志學聘君題惠麓秋晴圖

第二泉頭坐晚晴滿林松籟雜溪聲滌煩老去虛鴻乙謝俗
歸來衛叔卿未必茶經隨火化擬尋茅屋待春耕卧遊盡裏

違清賞裏茗他年石上烹

自題蘆洲聚雁圖

夜窗翦燭聽雨偶閱叔升錢君所畫古木寒鴉小景
不覺技癢因寫蘆洲聚雁以如之適友人黃德謙在
坐曰似瀟湘水雲景也昔年過二妃廟今復觀此圖
恍若重遊但少苦竹叢深耳予遂添叢篠於其間殊
有天趣并賦詩一絕云

夜窗聽雨話巴山又入瀟湘水竹間滿渚冥鵠誰得似碧天
飛去又飛還

史靖可

一首

靖可鄆縣人中書舍人

送宋學士

君王親爲計歸程幾日携家出鳳城江上春來有風浪扁舟
好向裏河行

靜志居詩話潛溪之歸也孝陵諭之云大江春來風
浪多宜就裏河達於家蹟可送行詩蓋賦以紀實也
一首
張唯

唯南陽人洪武壬子舉人授翰林院編修終參政

宋端儀立齋間錄洪武壬子簡會試士張唯等十八
人授編修等職入文華堂命濂爲之師俾肄業上間
至堂中取其文親評優劣命光祿給酒饌每食皇太
子親王迄爲之主給冬夏衣時賜白金鞍馬
田按洪武四年開科取士至六年又當會試詔命龍
之特選河南舉人張唯王輝李端張翀山東舉人王
璵張鳳任敬馬亮陳敏俱授編修入禁中文華堂肄
業命太子贊善大夫宋濂太子正字桂彥良等爲之
師嘗勅彥良曰昔許魯齋諸生皆帝所親教不敢以
師道自

居一日侍燕問詢及肄業孰進益濂對曰無如張唯
者備述其儔才請錄爲弟子帝笑而許之諸生仕履
可考者翀字鳳舉由編修出爲南陽教授濂有序贈
其行璫字宗器長山人嘗攝御史廉察河南歸奏對
稱旨帝謂近臣曰文華堂諸生如璫等者皆異日將
相材也亮字希孟長清人劉子高有題山東馬希孟
御史燕侍圖詩云孟也問學真賢良往昔徵入文華
堂承恩屢使江海上反顧只憶庭闈傍去秋官豕來
燕薦自說遠離過三歲愁心嫋嫋逐飛雲驚夢時時
問供領官至參政見雙槐歲抄

醉學士歌

天門白日懸高秋五雲照耀三神洲羣賢列坐紫清上鳳迴
玉輦瞻宸旒翰林供奉紫綺裘佩以明月珊瑚鉤殿前奏賦
沖斗牛胸藏七澤吞九州浩氣直上青天流七寶珍床九華
殿大笑三時走飛電金盤犀箸行八珍大官勅賜瑤池宴中
使頻飛雙巨羅葡萄露泛黃金波口口龍光照肝膽春紅散

作朱顏酡天香兩袖宮袍碧頭上烏紗漸欹側玉山兀兀涼
風搖銀海茫茫雪花白重瞳一顧天爲低奎章宸翰光陸離
羣仙起和紫芝曲瓊玕瓊玖皆生輝請以寶函祕流彩萬古
清風灑雲海酒酣拜舞玉階前千載君臣慶良會

田按韓學士歌事具首卷考功監丞華克勤詩云內
府官酒葡萄綠黃帕擎來氣芬郁詞林老臣被寵光
拜舞珥辰形局縮況當天威咫尺間春紅頓覺生龍
顏醉來不知鳥帽側猶解披腹呈琅玕李白當年飲
一斗下筆玉堂皆袖手才華何必分後先竹帛垂名
同不朽給事中宋善詩云御爐冉冉香煙起殿閣氤
氳五雲裏望王肯幾有清暇特詔文人賦秋水賦成
奏牘天顏試勅令光祿行金盤珍羞羅列水陸具黃
封滿酌酒合金卮玉堂學士金華客白髮清駢雙頰赤
潤醉作秋風豪雄藻思清新更飄逸老眼矇矓醉不
開眉能舞舞趨瑤階人生際遇有如此絕勝迹燭夜半
半從天回秦府長史林溫詩云黃闌秋高風日涼西夜
內官傳宣走紹繩烏帽聯翩坐前席大官賜饌鶡珍

歌

方徵 一首

徵字可久莆田人洪武壬子舉人授刑科給事中兼齊王府錄事改監察御史出爲懷慶知府以星變言事謫沁陽縣丞

田按洪武六年罷會試選舉人之才俊者入文華武英堂可久應選入武英授刑科給事中兼齊王錄事可久號爲敢言有奏議二卷著錄於福建通志其謫沁陽縣丞有詩云行盡崎嶇到沁南淡煙疏雨溼征衫也知書奏生無計但得忠君死亦甘風土秋來寒稟凜雲山北向石懨懨聖恩若許歸田去八百株桑一草菴

醉學士歌

詞臣獻賦蓬萊宮御前賜燕春融融駛峯奇味出翠盆玉瓶

鴻酒玻璃鍾青甌賜坐列左右三爵不識貌益恭金華仙伯
年最耄鶴髮垂領明方瞳中官宣勸令再酌陡覺眼纈添新
紅天顏同顧發微笑親御翰墨揮蛟龍寶章既成自天降日
月照耀光瞳曨老臣再拜重感激一心報國惟公忠踰踰步
出闕門去皎皎月上龍樓東史臣彤管會當紀明貞自古欣
相逢

牛諫一首

諫字士良東平人洪武初舉秀才爲翰林典簿出使
安南還擢工部員外郎進本部侍郎拜禮部尚書尋
降主事復擢爲本部尚書有尚友齋集

田按士良與張志道奉使安南志道卒士良枕上成
向云出使艱虞萬里同歸期日日待秋風甯知永缺成

望江上纔得相逢客夢中岸幘向看頭似雪掀髯猶覺氣如虹起來淚灑闌久落月嬋娟邊瑤宮詩頗沈痛足增友誼之厚士貞名附見鄭端簡吾學編陶凱傳中傳稱凱姿性過人才高學博識見卓遠爲文千言汨汨不見有難意初遊吳楚文多激概中更亂離去居深山中授經養親文多隱約朗與應聘而起凡稽古禮文事多公論定又兼領翰林院事詔令封冊歌頌碑碣時時命公文章遂盛傳於世明詩統誤以此數語屬之士貞宋彌山左明詩抄遂沿其訛余閱吾學編詳考文意特爲辨正附見于此士貞在明朝初亦山左一作家惜集不傳

秋林高士圖

林皋木葉下江潭秋水生靈飄蕩陰靄落景涵虛明手擷芙蓉佩目送孤鴻征沖襟契元賞迢遙千古情

朱夢炎

一首

夢炎字仲雅進賢人元進士爲金谿丞入明除國子

博士遷翰林編修坐累謫官起爲禮部員外郎進侍

郎拜尚書

訪道者不遇

何處尋芝去未還空留雙鶴守玄關殘碧無主石枰靜舊藥
不春雲碓閒流水桃花香冉冉古壇春蘚碧斑斑尋君不遇
空歸去看徧長松雨後山

明詩紀事卷五

貴陽陳田輯

明鑑

王禕二首

禕字子充義烏人明初徵爲中書省椽改江南儒學
提舉司校理遷侍禮郎兼引進使尋掌起居注出爲
南康同知以事忤旨降漳州通判詔修元史與宋濂
同爲總裁官擢翰林待制坐失朝降編修奉使吐蕃
未至召還改使雲南抗節死建文中贈翰林學士謚
文節正統中改謚忠文有集二十四卷

田按忠文書俞生擬古詩後云三百篇非出於一人
之手而亦非一人所能爲後世視古人爲何如而顧

欲以一人之所能兼乎古人之所不能亦難矣元明之交擬體雖開未盡流變使見後來諸集不知當作如何云云也忠文詩質堅體潔時作小詩亦有風致南城曲云素羅東冕雙鬢拖大紅衫子小紅鞚並馬早出南城路問人杏花多未多余謂此可補入楓江漁父本事詩也

臨漳雜詩

此地多煙瘴時清喜漸除阻山猶盜賊並海盡鹽魚田稻春
秋種園蔬伏臘需不才叨郡寄廩祿頗贏餘

曰按忠文以議禮忤旨降漳州通判雜詩十首卽此時作也其作聯如地偏冬少嘗海近夜多風菜莉頭圃白檳榔口沫紅兒童皆暎日男女總稱娘綠筍供春飯黃魚入夏羹珉紫裁爲硯犀花解作杯不雨猶等威固直謹似香閨中風土如繪忠文不獨文竟炳輝其遺愛在人漳州半芝山下有遺祠在焉正如朱邑之俎豆桐鄉也

送許時用歸越

舊搢庚寅第新題甲子篇老來諸事廢歸去此身全煙樹藏

溪館霜禾被石田鑑湖求一曲吾計尙茫然

明詩別裁歸去而身不全者宋景濂也
金華詩錄唐賢送行每推一人擅場此與潛溪詩工
力悉敵均不愧擅場之作宋云青雲諸老盡白髮幾
人歸此云老來諸事廢歸去此身全宋云因君勸歸
興于亦夢柴扉此云鑑湖求一曲吾計尙茫然其後
宋卒于還所王致身使節皆不得遂首邱之願一時
興到之語遂成詩識此詩亦見汪忠勤集

吳雲

一首

題周伯甯江山送別圖

雲字友雲宜興人元翰林待制洪武初授弘文館校
書郎改渭南縣丞遷刑部郎中進尚書出爲湖廣參
政奉召招諭雲南死之弘治中贈刑部尚書謚忠節

江山天共遠無限別離情人去長亭在空餘落雁聲

詹同 一首

同初名書字同文婺源人元茂才異等除郴州學正
仕陳友諒爲翰林學士承旨太祖下武昌召爲國子
博士遷考功郎中直起居注洪武初進翰林直學士
遷侍讀學士進吏部尙書尋爲學士承旨兼吏部尙
書致仕復起爲承旨弘光時贈禮部侍郎諡文憲有

天衢舒嘯

黃佐翰林記洪武六年開局修大明日曆十一月十五日前御史中丞誠意伯劉基偕學士宋濂詹同侍上燕乾清宮之便閣同被酒而還時繕書監生黃昶在館同愛其有俊才賦詩贈之字大如筆少選奉御傳宣召濂等赴右順門會上適乘步輦而至同餘醒猶未解上謂之曰卿醉猶未醒耶同對曰臣雖醉猶

能賦詩贈賀秀才謂梨也上曰詩何在同對曰在史館中上顧濂亟取之既上奏上笑謂濂曰朕卽和詞詩卿當爲朕書之濂於是受命書焉濂歸與梨有之

以爲詞壇盛事

田按同文早歲虞伯生呼爲才子及遭遇明主賜方竹之紀和贈人之詩談者詫爲盛事要其天才俊發咳唾琳琅不虛也當時與吳濬仲樂致和宋景濂號中朝四學士魏杞山詩所謂眉吳朱樂皆時彦譏述承恩晝夜同也景濂之文同文之詩良足媲美

飲楊廉夫挂頰樓時余奉命徵賢松江故有此作

飛樓高出市塵表萬丈文光照紫微洞仙曾與鐵爲笛天文或裁霞作衣酒酣尙欲招鶴舞詩狂未可騎鯨歸休喚小瓊歌白雪自有紫簫吹落暉

田按洪武初召諸儒纂修禮樂書帝以楊繼盛前朝老文學恩一見之特遣同文奉幣詣門推換謝使者曰豈有八十歲老婦就木不遠而再理嫁者耶因作老客婦謡云老客婦老客婦行年七十又二九少年

嫁夫甚分明夫死猶有舊箕箒南山阿妹北山嫉勸
我再嫁我方辭涉江采蓮上山采蘿采蓮可以
療餓夜來道過娼門首娼門蕭然驚老醜老醜自有
能養身尚兩黃金在纖手上天織得雲錦章縫成嬪
補舜衣裳舜衣裳爲妾佩古意揚清光辨妾不是那
邪侶又作不赴召有述云太守枉於堂下拜使臣空
向日邊回使臣卽指同文也帝復遣松江別駕追趣
賜安車詣闈留百有餘日禮文畢卽以白衣乞骸骨
朱景濂詩所謂不受君王五色詔白衣宣至白衣還
也雜楨元遺老例不入此集因錄同文詩附見於此

吳沈

一首

沈字潛仲蘭溪人太祖下婺州召爲郡學訓導洪武
初授翰林待制以事降編修復待制再降編修以奏
對失旨谪渭源教諭未行復爲翰林典籍尋擢東閣
大學士降翰林侍書改國子博士有濱川集十卷

陸心源顧宋據藏書志濱川集十卷舊抄本是集各
家書目罕見著錄一庫所未收也

詩數吾邑大學士吳沈最爲太祖眷遇然初不以詩名近得其遺集雖儒生本色時露而高華整肅體格天成合處訖出當時名家下惜全篇完善差寡輒句摘之以俟賞音其韻史十詩如黃石屢云蹠劉舒固步蹠項立炎光子陵裘云大澤垂綸夜東都繪象時諸葛扇云白旄麾牧野赤幟指咸陽太白靴云遠逝觀宇宙高舉蹠星辰皆用事精切神州十詠北闕雲
云紫風細作千行紫擁日高騰一朱黃內苑花云萬年枝上紅雲擁五色屏前黼帳開禁城鐘起句華鯨飛舞出滄溟直上中天望闕唱上林鶯結句飛飛更阿高枝語三十六宮春畫長尤爲俊美他若星環大乙尊黃道日麗眉香映翠華九成殿上飛金雀萬歲山中舞碧鸞國初殊自錚錚而諸選絕不及之

雲山僧寺

雨後看山分外奇山青雲白雨相宜老僧入定蒲團上雨落雨晴都不知

樂韶鳳

一首

韶鳳字舜儀全椒人謁太祖於和陽參軍事授江南行省管勾洪武初授起居注厯給事中中書左司員外郎兵部侍郎拜尚書改翰林侍講學士病免起國子司業遷祭酒致仕歸

田按樂吳雖與朱彥並稱文采遠不逮也詩存樸質不失閑園氣象

寄郭子虛

君王龍節照江湖從事多才冠楚都宗廟衣冠唐典禮祠官文物漢規模高樓深筆題黃鶴空谷生芻望白駒廣廈細旃多暇日好將忠孝翊皇謨

魏觀

七首

觀初名已孫字杞山蒲圻人太祖下武昌聘授平江

學正遷國子助教再遷浙江僉事兩淮都轉運使入
爲起居注洪武初進太常卿改侍讀學士遷祭酒坐
考禮謫龍南知縣未至召爲禮部主事出爲蘇州知
府擢四川參政復知蘇州府事坐法死有蒲山牧唱

四卷

臣按列朝詩集稱杞山爲起居注治進太常卿翰林侍
讀學士侍皇太子及奉陪送詣王授經遷國子祭酒
年六十有六矣以疾乞歸以參政作餧贈于家既
行復召還與詹同宋濂賀宴奉天門命各賦詩以記
其事考杞山授經在洪武元年時官起居注至二年
秋命借文原吉詹同等十人分行十道訪求遺才所
舉得人始轉太常卿及考訂祀典稱旨改侍讀學士
再遷祭酒當在三年中矣其賜宴奉天門也杞山本
集詩標題云二年十一月和暖如春上遂觀上苑召
侍臣危素宋濂詹同吳琳及觀等賜宴奉天門東紫
閣命觀等各賦一詩以紀今日之樂朱景濂應制冬
日詩序云洪武二年冬十一月上御外朝召翰林學

士臣濂侍講學士臣素侍讀學士臣同起居注臣觀
等列坐左右大官進饌賜黃封酒上親御翰墨賦詩
命各以詩進據此則賜宴賦詩時杞山僅官起居注
安得序次于官太常侍讀祭酒後耶又何喬遠名山
藏云杞山坐考祀孔子禮謫知縣召還爲禮部主事
賜燕奉天門上日日前日逐卿去今日與卿飲何樂如
之此或藉龍首召歸時別有賜宴事而詩家紀載率
合爲一踏駿如此余詳考而正之杞山五古質樸有
味近體亦多佳聯如青虫懸絲不到地黃鳥歇花時
近人一輩最善歸晚激百花吹雨入春流竹樹晴煙
浮漾每因花雨隔樊城窗前峭壁懸青雨屋上流
泉繞白雲松蘚近挹橋邊翠花島平分水上雲鳥度
春陰歸漢向江含雲影護裏城皆可誦也杞山治蹟
推尋一時徒以修守耶浚城河御史張度詔以基興
濟情涇開錦帆遂遺慘戮高季迪王常宗亦牽連以
死哀哉

東流縣

東流古名邑渺在江之干民居苦蕭條官舍亦苟完廐陋紛
草茅垣周翳榛菅棗植行疎疎槐陰鬱鬱觀此餘物清盡

展規撫覽丞無兩松眠令乏五柳歎簿則頃而長或謂棲枳
鶩諮詢我再來偶滯風雨寒坐彼容賙軒徐徐散幽端龍鍾
數着翁再拜陳肺肝小縣幾亂餘人煙重凋殘百一雖幸存
門孤戶仍單老者困以衰弱者傷以孱况復差役頻斯須未
遑安賴有父母慈柔麻慰盤桓撫字皆得人昭蘇固無難援
筆題此詩考績時取看

次韻吳子祚溪行有懷吾蒲而作

嵐光開翠崿旭影動晴墟送客蘚邊去孤帆柳外舒山雲初
度鶴溪雨忽沈魚自得幽居趣諸公恐未如

都昌懷舊隱

黨里烏巾集鄰翁古意淳瓶罍隨野俗耕稼及清晨故物青

既在寒山白屋貧爲傳宗有譜長使旅情親

壽昌道中

野寺吟詩興未闌徐徐驄馬出松關村原筠宛通幽徑林壑
依稀似故山鷗泛曉溪雲碓靜猿眠春牕雨犁聞田家老稚
相迎望應笑征夫兩鬢斑

白雲山

清夢悠悠續故林書窗皎皎白雲深法曹千里動歸思處士
十年留野心石硯畫封涵雨潤巖扉朝度帶松陰何當勸盡
杯中物副我還山舊日吟

筠艤

淇澳茅廬僅一間宛如乘棹竹溪灣芙蓉秋水三千頃翠黛

春風十二鸞鳳管製來邀譜在漁竿歸去釣絲閒湘濱已有
沿洄約六逸清風信可攀

大木堂

翠葆葳蕤九鳳旗東華遙望立多時都堂啟事貂蟬集率衛
輪班虎豹馳月繞珠簾陞講席花迎金輅肅朝儀六王炳炳
前星後珠緯聯輝上玉墀

因按元時置端本堂爲太子講讀處朱仲敏過元故宮詩所謂端本有書遺鶴禁也明洪武元年置大木堂取古今圖書充其中召四方名儒教皇太子親王用學士宋濂待制兼編修王祐修撰王儀者儕陶凱輩分番夜直選才俊之士充伴讀所授經書帝親督之時時賜燕賦詩商榷古今評論文字尋命勛舊之子執經入侍鄭國公常茂曹國公李景隆蘄春侯康鐸等與焉杞山有詩云鄭國蘄侯弟子羣儲閣時得奉殷勤紀其事也杞山以供武元年侍太子說書及授諸王經早朝奉天殿詩云白頭謬忝儒紳後大本

先容赴講筵其遷祭酒也午門闕上賦詩云成均被
命仍敷教大本承恩復說書蓋其官京職先後皆得
與教胄誠榮遇也此詩所云六王蓋指秦王校晉王
桐燕王棣周王棣楚王棣齊王博厥後太子讀書在
文華堂而親王則出就所居府矣

錢用壬一首

用壬字成夫廣德人元進士授翰林院編修出使張
士誠留爲行省左右司郎中參張士信軍於淮安進
參政入明授按察副使遷中書參議吳元年改御史
臺經厯洪武初擢禮部尙書以老賜居湖州

題趙仲穆彥徵畫馬

吳興畫馬名天下文采風流美無價子孫兩世皆絕奇筆意
經營亦相亞分明雙馬如雙龍玉花對立連錢駢圉人緩轡

不敢控矯矯似欲鳴長風卻想當年落筆時省郎侍絲初來
歸深庭花落白晝靜紅門草綠春風微回首光陰旣非昔老
者已逝難再得中原武騎更馳奔展卷令人三嘆息

危素

二十五首

素字太樸金谿人元翰林學士承旨洪武初召至京
授翰林侍講學士坐失朝罷尋復故官兼弘文館學
士諱伯和州有學士集五十卷

詩譜金谿危素入國朝老矣蓋元季之虎也

出按宋清溪作太樸墓誌稱有文集五十卷奏議二
卷宋史稿五十卷元史稿若干卷又謂至正初太樸
移書執政請修宋遼金三史乘傳行宋兩都訪摭開
道書成其力居多然則宋史稿固嘗採用於史館矣
太樸入明其人不爲世所重故其集散佚嘉靖中歸
太僕酷好其文嘗有奉托渝宜黃訪求危太樸集并
屬蔣蕭二同年及長城吳博士詩云昔年朱學士嘗

稱太樸文獨立擇類字清響薄高雲余少略見之
誦每忻忻淡然元酒味曾不涉世氛如欲復大雅斯
人真可羣苟非知音賞朱公安肯云嗟乎輕薄子狂
犬方狺狺惜哉簡裘亡家籠少所蘊徒爲嘗一鬢盈
鼎未有分四賢宦遊地博達多前聞爲我一咨訪庶
以慰拳勤迄今所傳說學齋百三十七篇之文卽太
僕傳抄本也雲林詩集二卷刻于元時明初採詩者
以太樸所作元時傳誦已多故轉從略觀徐泰明風
雅凡例云元詩人入國朝年齒最高者若危太樸其
詩刻元集已多但錄一二可證也太樸之文明初當
無坎手其詩亦可並立於作者之林採錄雖多猶憾
未窮其備云

遊廬山棲賢寺

弱冠好山水竭來廬阜陽憩澗微雨至入林春風香載經三
峽橋地籟間鏗鏘解帶緣石磴愛此泉流長泄巖凝素乳灑
樹見飛霜冷冷轉空曲湛湛流清光五老九千仞峩絕天中
央紫煙射仙壑白雲冠僧坊幽思稍愉快良朋共翶翔訪古

慕宗向悟元愧裹楊超然色界遊圓靈大無方終當畢吾志
混迹麋鹿行

和吳尊師早飯楷陂

舟泊楷陂驛研魚餐早飯是行新雨過水落寒沙半櫂謳方
零亂鷗鳥忽驚散笛聲起渝洲又逐驚飄斷

與鄧叔賓兄弟叔姪以王喬下天壇微月映簷鶴分韻

送三吳山人遊龍虎山兼簡江左諸師友

蘿風吹蕭蕭筠露淨灑灑明霞結晴曦曉色晃若射手指雙
璫英一去青山下迢迢鳳麟洲雲氣浩如瀉寄謝山中人離
情若爲寫

徐人歌

季子劍有秋水色徐君見之惜不得徐君墓上荒草寒季子解劍挂樹間一死一生見交義嗟哉延陵吳季子

隴頭水

隴頭之水向西流莽莽寒雲草樹秋水中尚有秦時血今古
征人到此愁

送朱尊師

上清真人佩瑤環遠遊荆楚何當還月波流空寒似雪雲氣
拔地高於山去年乘風上京國稽首靈君好顏色蓬萊坊裏
煙霞深昔種蟠桃親手摘忽思舊隱玉隆宮怪物鎮在深潭
中浪濤無聲江漢靜雨劍嘯氣如長龍爾來復作西南去織
女迴車引歸路解纓秋澗洞庭湖采藥晨餐石鍾乳翩翩飛

駟金聲陀芙蓉玉冠高嵯峨醉中長謠送君發一夜北風吹

女蘿

送鄭復常歸三山省親

嵯峨塵湖山瓢瓢紫霞仙十年山中鍊形魄縹渺御氣凌蒼
煙采芝朝入虎窟飲抱月夜就龍宮眠洞天石扇星斗落紫
鳳一舉天風旋君家正在滄海頭十洲三島煙霞幽手持瑤
華度海去白雲亂洒扶桑秋歸來何以爲親壽蟠木結實行
當求

密山遊

祈仙古觀摩空青手持鐵柱山中行浮邱真人不可見窈窈
萬谷酬秋聲捫蘿直登六七里下瀕世間真井底雷霆震動

獨雲孤李李靈光夜深起尊師有道虎狼馴瑞草滿地山如
春仙公不歸鶴自語老木夾路生龍鱗鄧卿顧我三歎息滄
海蟠桃幾時得千年虎魄尙可殼會見紅顏生羽翼

五月廿有二日同鄧漸叔儀晉季昭旭肆父昶嗣父晚

晚以森木亂鳴蟬分韻

良朋宴遊不可失鄧氏諸昆晚同出橫槎溪口弄飛泉桐樹
坳頭看落日長山唐突短山青山上十丈蒼雲橫大風振林
歸鳥疾枯木壓石殘蟬鳴登高長嘯招晴月古竹吹涼夜如
雪夜如雪秋氣氤氳溪流無津山無塵寫詩聊寄山中人

和吳尊師遊鐵柱觀

已從龍興遊卽往鐵柱觀龍興不出奧區因鴻水奔流合江

漢沈沈古井清如空東方大海長相通千年神劍不可忽老
屋夜夜生雷風

子規啼

子規啼白月低春雲迢迢春水遠芳草遶庭花亂飛子規啼
時征夢苦郎船定發瀟湘浦瀟湘江上風浪多春晚胡爲不
歸去子規好去瀟湘啼重來借汝春樹棲

寄張太乙張時留江淛

我曾身著夫容裳苔麟遊遍蓬萊鄉蓬萊仙人留我住醉枕
大石歌瑤章高秋及上塵湖頂下頰八極天茫茫石林風煙
白日靜但有顆氣如飛霜張君獨乘紫鳳凰我得霞珮驂翔
翔星官下謁奏廣樂衆客燕集翻瓊漿層樓高空不得寢神

颯夜撼金琳瑯歸來雲林閉戶坐忽憶舊事心飛揚竊聞三
月之初吉乘車直過東海傍莫從故都嘆禾黍定駕大舶窮
扶桑淵山迢迢淵水長何由寄贈雙明璫

小孤山歌

大孤之石衡且攜青青長在湖中卧小孤之石銳以高峭立
淮岸當洪濤滔滔逝水東流去兩石樵龜屹天柱蜀巴之原
浩沄沄壯哉此地江海門鴻龐稍見土宇曠疏鑿方知夏后
勤名山大澤神所主過者震驚誰敢侮云何作廟向江壠搏
土婷婷象龍女篙師賈客爾何知坎坎伐鼓持豚蹄倚蓬清
嘯漁歌起日暮沙禽來去飛

贈朱元吉賣鑿

深山閉門二月初白日雨打梅花枯野夫讀書大石上粵有一客來吾廬水杭舟檝陸乘車來徵後語行江湖峩峨石峯起雲氣下壓古井蛟龍居詎知小人夜燒墨墨色吹作煙模糊元光貫天眾星沒草字滿壁陰風噓述文志者奚假文通達古今良非迂悲哉結繩易書契剖割元氣疑無餘遭逢盛年當返樸誰復瑣細稽虫魚遠遊京師願寄贈謹爲皇帝書真符

趙文敏飲馬圖

蕭君學道龍瑞宮此圖持贈寶林翁魏公畫馬得馬趣落筆宛有曹韓風脈肥不見筋骨露騰驤始知氣力雄朝逢圉人吸秋水精神炯炯方雙瞳卷中題詩十四客惟有括蒼留古

色卷舒雪涕憶前修太息後來那可識越城戰鬥白日昏故
物紛披橫道側清涼衣鉢與馬圖似有神明常護惜法師未
老傾橐囊古書法畫門徒將道初持來慰愁寂如造吳興大
雅堂前年沙漠射黃羊我馬飛行雲雪岡誰挽天河洗兵甲
但騎款段還家鄉

田授此圖見江村消夏錄圖後有柯九思丁復唐珙
釋祖瑛劉基沙門守仁韓性張大可胡一中凌說潘
嘉姚安道沙門本無李孝光題咏卽此詩中所謂十
因客也括蒼古色指劉基也

寄題大瀛海道院

明州東海角道院幾年開寶構通丹極瓊林闕玉臺鍊形長
對竹遺興獨尋梅羽駕乘雲氣瑤章拜斗魁鳴簫朝引鳳飛
檄夜鞭雷芝草靈苗潤珊瑚老樹摧滄波馴白馬幽韜瑣黃

能水怪能言語龍精自往來仙家凌宇宙弱水截蓬萊漢使遊空返秦皇去不同青山變翠色赤日漲黃埃望極蒼茫外羨門安在哉

贈鄧叟追和蘇子贈扶風逆旅詩

鄧翁老耄食無糧卧病愁多白髮長千里南聞無過燕五更秋雨亂啼牕年來破屋塵生瓠巖莫空山雪似騎傀我相逢貧到骨悲歌此曲意蒼茫

送張幼初之京

振衣鳴玉上青霄銀漢清秋轉斗杓北闕飛龍天杳杳南雲歸雁路迢迢朝登華嶽風生腋夜飲灤河月入瓢水竹清虛好真館劉安有賦爲相招

梅峯

諫疏當時奏漢宮至今名迹遍諸峯經臺半掩三花樹丹臼
橫遮五粒松近水衣裳清露溼並崖芝朮白雲封因君更憶
非非子杖履登臨得屢從

陳物初秋暉堂

尊師家世華山陳新築高堂古澗滑臨水每同鷗結社采花
間與鹿爲鄰窗通晴旭排高樹簾捲秋風暗綠筠振屐梯山
煙滌滌縛船登瀨石粼粼鳳銜春色頌真誥龍吐霞光夾羽
輪陰洞斧中雲似塔白崖奔處雪如圍拂衣蘭草已多碧在
眼楸花無數新鐘磬撼林羣鶴唳丹砂貫井毒蛟駒張公昔
者來歸隱陸子前朝此間津煙雨晦明真若畫山川靈怪豈

無神未應芝嶺終辭漢可是桃源不記秦我欲從今就君住
定看東海卷黃塵

題三韓沙門玉田花鳥圖

畫史幽居得物情毫端春色可憐生高僧已是禪心定花鳥
蓬人更不驚

題宋好古墨竹

我憶東曹粉署郎琅玕寫就拂雲長祇疑散步雲林曲獨聽
秋聲待晚涼

題趙子昂竹石

叢篁偏映寒雲色古石猶凝碧蘚痕曾是碧瀾堂上月獨臨
茗水照王孫

和吳尊師過清遠驛

雲滿故鄉芳草迷江東江西人別離征船幾日洪都去清遠驛前聽子規

送友人遊湖

常山縣前放船開桐廬江口寄書同君行不受人間熱六月海潮如雪來